

فی ۲۱ شوال سنہ ۳۲۶ و فی ۳ تشرین ثانی سنہ ۳۲۴

جمعیت علمیہ اسلامیہ مک ناشر افکاریدر

مدیر مسئول

محمد فطین

سر محرر

فاتح مجیز درس عام لرنڈن

مصطفیٰ صبری

صاحب امتیاز

فاتح مجیز درس عام لرنڈن

شہری احمد افندی

مندرجات

علوم اسلامیہ	کوچوک جدی
سیاست شرعیہ	ابن حازم فرید
تدریسات و مدارس	فطین
لمعہ دیانت	احمد مقداد
اسلامیتدہ طلب معیشت	حسین حازم
ادبیات	
نزول قرآن	ع. طائف
نعت شریف و تحفیس	سمعود طاهر المولوی
امام شافعی	طارف
برتحفیس	خلیل ادیب
اجتماعیات	
فس و قالیاق	مصطفیٰ صبری
امتعة داخلیہ شرکتی	
متفرقه	
سؤال الیریز	

نسخہ سی ۵۰ پارہ در

ممالک اجنبیہ ایچون

۱۸ فرانق

۹,۵

آبونہ اجرتی

ولایات ایچون

۸۵ غروش

۴۵

استانبول ایچون

برسنہ لک ۷۵ غروش

القی آبلنی ۴۰

درج ایدلیان اوراق اعادہ اولنماز

قارٹلرمزہ :

اکثر مقالانہ آیات کریمہ واحادیث نبویہ درج ایدلش بولندینی نظر اعتبارہ آلہرق رعایتسزلکده بولنلعماسی
رجا اولنور .

بونلر نهدن؟ نهدن اوله جق بونلرله متناسب اثر یتشدیرمه لزوم اولدیغندن دکل؟

حالبوکه بر انسانك احتوا ایتدیکی وهر بر مزده بولندیفی ایچون پك عادی کوردیکی مشهودمز اولان کوزه قولاق، دماغ، جهاز هضم، جهاز تنفس، جهاز تناسل، انتساجات عصبیه، تشکلات عضلیه کی مکمل، مکمل ماکنه لر، غایت ظریف صنعتلر میدانه کلیرکن عجبانه اوله جغندن مؤثرینك خبری یوقیدی؟ بر پیلان، بر پروگرام ایستیمورهیدی؟ هایدی بونلری میدانه کتیرن قدرت، قدرت انسانیه دن بیوک اولدیغیچون اوزون اوزادی به دوشونده که طاشمنغه محتاج اولموردی. فقط نه یایدیغندن خبری اولیه جق قدر عادی اولماسی ایچون بتون وظائفی لمحۃ البصرده اجرا ایدیوریه جك بر غامی ده اولیه جقمی؟


بونلره نه حاجت؟ دقائق باطنه انسانیه یی بر طرف یده لمده یالکزجه شکل ظاهرینه، ساده جه سیاسنه اعطف نظر ایلیم.

تماس لطیفی فجر صادق بهاری آکدیران اولطیف دوداقلر، رنگ کلکونی جاذبه عمومیه کائناتی احتوا ایدن پنبه یناقلر، غمز مخموری اصابت ایتدیکی هر قلب ذی حیاتده بر جریان الکتریکی احداث ایدن چشم دافریب ایله ایکی طرفنده صف بسته نظام اولش کریسکلر، سمای سیم اوزرنده رایت فطرتک هلال مزدوجی شککنده رسم ایدلمش قاشلر بحیفه جبینک سطور منظمه طبعیسی اولان خطوط مرسومه عجبانه دوشونولمده دن، بیلنمده دن، یرلی یرینه قونقی ایچون بیلانی یایلمدن حساب، هندسیه، کیمیا، حکمته تطبیق، فیزیک، اسرارینه توفیق اولنمده دن، ده طوغریسی تمام مزایای ادوار بشریتده کشف اولنه. میه جق نیجه فنونه اختصاص حاصل ایتمده دن میدانه کله جك شیلردنیمدر. دکلسه بومؤثر کیمدر ونزه دده در؟ بو بویه ایکن یا براز دهامد نظر ایدوبده بر کره

لازم کله جك عات فاعلیه نك، بر انسانك فاعلیت ومؤثریتی ایچون اقتضا ایدن اوصاف مخصوصه دن دهامد علی بر طاقم صفات مخصوصه ایله متصف اولسی ضروریدر. ایشته اولا بو مؤثری بولسونده کائنات ایچنده بونك تخریسنه صکره قیام ایتسون.

دوشونلم شرائط فاعلیت انسانیه ندر؟ بر انسان بر اثر مثلاً بر قولیه (کلبه) یایه جق اولسون. شبه سزدرکه آنک قیوسی باجاسنی زریه قویه جغه دائر — ولو ذهناً واجمالاً اولسون — بر پیلان ترتیب ایتمکسزین، بو خصوصه بر تصور ومطالعہ سی سبق ایلیمکسزین اوقولیه یی یایمق شویله طورسون اکا تشبث ایلیمک بیله ممکن اوله ماز. او قولیه یی سرای حاله افراغ ایده جك اولورسه او پیلانی اولاً صورت مخصوصه ده تنظیم وترسیم ایتمه مجبور اولور. حتی فن معماری به وقوفی اقتضا ایدر. دیمک بر قولیه، بر سرای بنا ایده بیلیمک بر علم ایله مسبوق اولوق لازم کلدور. شرائط فاعلیه انسانیه نك بر نیجی قوه علمیه تشکیل ایدیورکه اک کوچک بر اثر بیلله مؤثرینك مرتبه علمیه سیله متناسب اولیور. بو سببه مبنیدرکه واپورلرک، شمدت و فرلرک، فابریقه لرک، فطو-غرافلرک، فنوغرافلرک اختراعندن صرف نظر اعمالی بیلله بیوک بر قدرت علمیه به برهان اولیور.

برهان اولدیغیچون بو کون متفقاً حکم ایدیورزکه بر قومک اختراعات فنیه وصناعیه سی، ترقیات مدنییه سی درجات علم ومعرفتلی ایله متناسب اولیور. مثلاً دیورزکه بزعمانلیلرک عالم مدنیته احراز موقع امتیاز ایتمک ایچون اولا ارباب علم ومعرفت یتشدیرمه مدارس ومکاتبی احیا وتنویر ایلیمکه احتیاج جز واردر. خطیبلر، ادیبلر، فقیهلر، متکلملر، مفسرلر، محدثلر، مؤرخلر، حکیملر، ریاضیلر، کیمیا کرلر، هیئت شناسلر، طبیلر، قوماندانلر، دیپلوماتلر، تاجرلر، صنعتکارلر الخ بر جوق اصحاب معرفت یتشدیرمه کی واجب بیلدورز.



دینی، ادبی، سیاسی، فنی بازار ایتسی کونلری نشر اولنور هفتکله غزته در

علوم اسلامییه

بشعی نسخه دن مابعد

خواص انسانیه به عائد سبق ایدن اجمالدن اکلا- شیلورکه انسانلر مادیاتی جهتیله نه قدر کوچک، نه قدر اهمیتسز بر جسم ناتوان ایسه قواو اوصاف معنویه سی اعتباریله ده کائنات ایچنده اوتدر علی اولقدر شایان اعتنا بر وجود مقدسدر. اویله بر وجود مقدسدرکه استعداد مخصوصی سفلیاته زبون اولدقجه نه قدر خارقه رذالت میدانه کتیره بیلیرسه علویاته میلان ایتدکجه دهامد فوق العاده کرامت ابراز ایده بیایز. بومظاہریت انسانیه هر انسان نزدنده مشهودادن اولدینی جهته عادتاً عادیات صرهنه یکمش اولسندندرکه

نظر دقیق جلب ایده مز. کائناتک اوفاق بر حیوانیه اک کوچک بر نباتنده کی احوال عجیبه یی نظر اهمیتله تلقی ایدن نیجه حکیملر، فیلسوفلر انسانلرک احوال فوق العا- دلرینی اوقدر اینی ملاحظه ایده مامکده درلر. خوارق انسانیه نك مبدائی اولان قوه فاعلیه ادراکی، او وادی پرده پوش خفایاده رهبرده کالات بشریه اولان نور عقلی مطلقاً مالنك قیمتته تقدیر ایده مین میراث یدیلر کی اهمیتسز تلقی ایدرک خوارق ودقائق کائناتی بر کوچک بوجک حرکات مخصوصه سنده تخری ایدر و دلایل معرفه الله ایچون اوزون اوزون یوللره کیرلر. فقط نه حاجت انسان اولوبده انسانلغی بیلنلر شوقدر جق دوشونویورسونلر اک کوچک دوشونجه ایله بولورلرکه انسان هر حالده بر اثر درر. بر اثر درر وجوده کلسی ایچون

آفاق عالمه طوغری باقسهق اوقوجه هیئک نظام بدیع-
الجرایانه واقف اولساق ویا دقائط طبیعیاتی قشیش ایلسهک
اجسامی آنوملره، اثیرلره، اولتیماتلره، الکترونلره قدر
تفحص ایلسهک، مقناطیسلره، جاذبهلره عطف نظر اهمیت
ایلسهک، خواص معادن، معیشت نباتیه، حرکات حیوانیه
عادی نظرلره باقسهق قنونی کوروب، بینلرنده کی
تناسب، کندیلرنده کی وظائفی نظر اعتباره آلسهق،
مانیتیزملره، اسپریتیزملره، هر نه اولورسه اولسون
لحاظه ملاحظه ای امله ایتسهک، عجبا انسانلرده کوردیکمز
کمال بدیی اونوتدیردجق، یرلرک کولکلرک عالم السر والخطایا
بر مؤثره احتیاجدن وارسته اولدیغی قبول ایتدیردجک
بر سره می آگاه اوله جغز؟ یوق اوله دکل... کائناتک هر
هانکی بر ذره سنه باقش اولسهق آنده بر تاثیر بر اثر علم
وصنعت حس ایده جکمز. عالم قادر بر مؤثری بولندیغی
البته قائل اوله جغز. بوبابده الک دقیق بر فکر الک بسیط
بر نظارک حکمی تأییددن بشقه برشی یاهمه جق، موجودات
عالمک بر مؤثر علامه احتیاجی قبول ایده جکدر. حتی
بو حکم انسانلرده بر حس طبیعی کیدر. نه چاره که بر
چوق انسانلر حس طبیعیلرندن بیله ذهول ایدرلر:
بوکون بالجه فنون کائناتده کی هر ذره نک بر وظیفه سی،
بر خاصه سی، اولق لازم کلدیکنی حکم ایدیورده آنی
نحری ایدیور. لکن بوتحرری ضمننده (هر ذره ایجاد
اولنورکن بر وظیفه اجرا ایتک وعالم وجودده بر قائده سی
اولق اوزره بیلنرک یرینه قونشدر) دیو بر حکم
خفی اعطا ایتدیکندن چوغنک خبری اولیور.
قرون تاریخیه دن هیچ برنده انسانلر عالمک بویله
بر مؤثردن استغناسی قبول ایده مامش وحالا عالمده کیف
ما اتفاق دوشیویزش بر وجود مهمله قائل اولق
ایستیه مشدر. حرکات ضرورییه تابع اولانلرده بر
خدمت، بر مکلفیت جبرییه، حرکات ارادییه سی کامل
اولانلرده ایسه بشقه بر خدمت و بر مکلفیت اختیاریه
کوزتمشدر.

شوقدر وارکه بو مؤثر عالمک کیم وزده اولدیغنه
کانهجه مراتب معرفت متفاوت اولمش کیمسی داخل
عالمده آرامش، یاجسم، یاجوهر، یاقوت اولسنه قدر
ذاهب اولمش. کیمسی وحدتی، کیمسی کثرتی قائل
اولق ایسته مش، بعضیسی اجرام علویه ده نفوس وعقول
اولدیغی اعتقاد ایتش بعضیسی ظلمت ونورک، بعضیسی
موالید ثلثه نک میدألری اولق اوزره وثنیت اثنیلیت،
ثنلیت جهتلینه کتمش بر چوقلریده بوشبهلردن تشعب
ایدرک مشبهلره، مجسمه لره وارنجیه قدر بر چوق مذهبلر
چیقارمشدر. اهل حق ایسه مؤثردن مستغنی اولسی
ضروری اولان صانع عالمک هر نقطه سنده متأثریتی درکار
اولان عالم ایچنده اوله میه جغنی مسالك مختلفیه عائد
فلسفه لرله اثبات ایتشدر.

بز بو فلسفه لری علم کلامه حواله ایده لمده بوراده
شوقدر جق برشی سوبلیه لم.

مادام یا لکنز انسانلرده اولسون بر قوه علمیه نکده
بر مؤثره محتاج اولدیغی بیلیمورز. ایکی سطر یازی
یازمق ایچون بر قوه علمیه یه لزوم قطعی اولدیغی
حس ایدیورده بویله بر قوه علمیه یی احداث ایدن وبو
قوه علمیه یی ودها بر چوق خواص بدیه یی حاوی
بولنان انسانی میدانده کترین مؤثرک لایفهم اولسنی نصل
تصور ایده بیله جکمز. بره مؤثرک قدرت علمیه سی اولمینه
کمال مطلق اولان قدرت علمیه دن محروم اولان بر قوتک
نه قدر شدت وصواتی اولورسه اولسون قدرت کلامه
کامله اولدیغنه نصل قانع اوله جغز؟ مادام اوله میه جغز
بو قدرت کلیه یی لایتغیر اولدیغی ثابت بیله اولسه ماده لره
حرکت و اهتزاز قیلنندن اولان قوتلره نصل اسناد
ایده جکمز؟

مادام هر جهالتی قبول ایدوب اسناد ایدیورلر.
یا ماده لرک، قوتلرک عالم اوله بیلیمسنی نصل عقللرینه
صیغدیورلر. مادام صیغدیورلر اوله ماده لرک هر کتله.

اکنه مالک بر قدرت فاعله نک قبضه تسخیرنده در.
انسانک کلی آنک خطابه انانمنه مستعد اوله بیلیمکدن
عبارتدر.

اَلْحَسْبُ الْاِنْسَانُ اَنْ يَتْرَكَ سُدًى

هر ذره سی بر وظیفه ایله مکلف اولان کائنات
ایچنده انسان مهمل بر اقلیو بره جگنی امیدمی ایدیور.
ایتمسون حرکات طبیعه سنک بر مکلفیت جبرییه سی
اولدینی کبی حرکات اختیاریه سنکده بر مکلفیت مخصوصه
صه سی اولسی لازم کلیر.

مادام انسان دوشونیر، بیلیر، ایشلر قابل خطاب
بر موجود مخلوقدر. خالقن، عقلیه، علمیه آریوب
بوله جق صکره علم قاصرینی بر علم محیط لایتغیرله
موصوف اولان علام الغیوبک بالذات ویا بالواسطه
مظهر خطابی اولوب اخذ وتلق ایده جکی تعلیمات
وتلقینات اساسیه ایله وسع اجتهدی قدر توسیع وتکمیل
ایده جک مقابله نده حرکتده کوره نائل نم ویا دوچار
نقم اوله جقدر. ایشته قوه علمیه، بووجهله ایکی منبع
فیضدن استفاضه ایلله جکدر.

برسی، کتاب کائناتدرکه آنک اوزرنده کی سی
انسانی بر طالبک درس خانه نده کندی کندینه چالشه سی
قیلندندر. بوندن علوم وفنون عقلیه حاصل اولور.

دیگری کتاب خطاب اولان اسرار واحکام
نبوتدرکه او علم محیط ازلی جانبندن احسان اولنان
تلقینات وتکلیفات علمیه وعملیه دن عبارت اولوب
انسانلرک بوندن اولان استفاضه لری طالب مذکورک
زمان تدریسه معلمندن آلدینی درس ووظیفه لری
مشابه سنده اوله رق بوندن ده علوم نقلیه کسب اولنوب
علوم عقلیه نک پروزلری آیه قلایر وهر ایکسینک بر برینه
اولان تعاون مخصوصیله مقاصد حیات انسانیه تبیین
اولنور.

بو حکمته منی کائناتده (وعلم آدم الاسماء) مدلولنجه

سندده او علمک موجود اولسی لازم کله جگنی نه دن
بیله میورلر؟

مادام بر نوع تکمله مالک اولان کتله لرده مثلا
جامداتده او علمک وجودینه قائل اوله میورلرده یا حال
ابتدائیده بولنان اصلنده نصل اولیورده او علمکی یاخود
دها عالی بر صفتی وار فرض ایده بیلیورلر؟ هر احتماله
قارشی هایدی (بر قنوغرافی میدانده کتیرمک اقتدار
وشرفی اوقنوغرافک توز حالنده کی اجزاء معدیه نه
ویا آنک حائز بولندیغی قوته و بره رک ترکیب وتخیلی
عالم بر فاعله محتاج دکدر.) دیمک قیلنندن بتون مؤثر
عالمی موادینه قوتنه ارجاع ایدیورلرده مضطر قالدنجه
اکا برده علم اسناد ایدیورمکدن چکنمیورلر. جناب
اللهک صفاتی اجزاء اصلیه عالمده ده فرض ایدیلیویرسین
نه اولور، کبی بر فرضیه یه قدر واریورلرده یا نیچون
اوله بر مؤثرک اثرلرندن قابل خطاب اولانلره امر ونهی
ایده بیله جکنه آنلره مجازات ومکافات ویره بیله جکنه،
تعلیمات مخصوصه کوندره بیله جکنه ایچلرنندن برینی
مظهریت غیبیه ایله انذار وتنبییره مأمور ایده بیله جکنه
اینانه میورلر؟ شبهه یوقدرکه انسانلرک بیله مالک اولدیغی
بوکبی صفات عالییه عالمده لایتغیر ظن ایتدکری ماده
اسناد ایتکی بالبداهه جهالت عد ایدیورلر.

آنلره عالم دیمکدن بیوک جهالت اولدیغی بیلورلرده
علم وادراکی اولمیان موادک اثرینی مؤثرندن مکمل
طابق ایستیورلر. نه ایچون؟ قید تکلیف آلتنه کیرمک،
مقتضیات انسانیه ایله یشامق کوجلرینه کلیور،
سوقاقده کی کابلر، طاغده کی حیوانلر کی آله بیلدیکنه
شهوات نفسانیه لرینی اجرا ایتک، اخراجات وادخالات
جسمانیه دن ماعدا برشی دوشونمکم کندیلرنندن
بشقه بیوک طایماق ایستیورلرده آنک ایچون اوله
دکل اوله دکل... انسان، نه قدر بیوک نه قدر عالی
اولورسه اولسون کندیسندن بیوک بر مؤثرک، کندیسنده
محدودیت ونقصانیله برابر موجود اولان صفاتک

تعلیم و تعلم قانون اولش و ازمنه تاریخیدن هیچ برنده انسانلرک تعلیم و تعلمدن مستغنی اولدقلری کورلمه مش و دائماعلم و معرفت و مدنیتده بر قوم بر قوم بر فرد بر فرد استاد اوله کلمشدر . بناء علیه علوم اسلامیه دخی ایشه بو ایکی نقطه دن تأسس ایلمشدر .
المالیلی کوچوک حمدی

سیاست شرعیه

سرلوحه منک احاطه ایلدیکی معنایک درجه شمول و عمومیتی اعتباریه یازده جعفر سطرلر هم راعی و همده رعیه عائد اولوب بو باده کی مأخذ منزه علمای اسلامیه منک شمدی به قدر اوراق مضره دن عد ایدیلرک مملکت منزه ادخال ایدیلان آثار معتبره لیدر .

وقتیله او قومق دکل اسمنی بیله سوبلیه مدیکمز بو اوراق مضره قانون اساسینک انشریله آثار نافعه میانه ادخال ایدلش و مانعک زوالیه ممنوع عودت ایده جکی قواعد اصولیه دن بولنش اولدیغندن سر بیستانه نشر آثار ایله خدمت وطنیه وجیهه مقدسه دن عد اولندی .

جهان انسانیتک انواع اعتسافات آلتنده ازلدیکی واقوام و ملک یکدیگرینک حقوقه قارشو تعدیلات بی رحمانه ایله کوستردکلری معامله خونریزانه و عدم مساواتک اولانجه شدیلر دوام ایلدیکی بر صروده دکلدیکه ، نور جوال قرآن حیرت زده عقول بر صورتده چار اطرافه پرتوفشان اوله رق اعتسافات واقعه به ختام ویرمش و وضع بیوردینی قواعد عادلانه ایله جهان انسانیتی شیرازه عدالت ایچنده بولندیرمشدر .

برمرآت حقایقنا اولان قرآن [ان الله یامرکم ان تؤدوا الامانات الی اهلها الخ] فرمان عظمت عنوانیه اماتی اهلنه ویریکمز عدالتله حکم ایدیکمز بیورده رق راعی ورعیه عائد وظائقی بیان ایلمشدر .

بناء علیه سرکارده بولنان وکلا ، لایه ، حکام اماتی اهلنه تفویض و عدالتله ایفای حکمه مأمور بولندقلرندن بو وظیفه لرینی بحق ایفا ایدرلرسه بوکا سیاست عادلانه ، و مقاملرینه ولایت صالحه نظریله باقیلور . خلافی تقدیرنده کی اداره به سیاست ظالمانه دینیلورکه دور استبداده کی احوال مؤسسه من کی .

اماتی اهلنه تفویض ایکی درلو اولور .

قسم اول : ولایات یعنی تفویض اموردور . تفویض امور ایسه اهلله اوله جغندن ملتک وکیللری اولوب مقامات عالییه اشغال ایدن ذوات مرایشی اهلنه تفویض ایتلی . و انسانه ایش دکل ایشه انسان بولمیدر . حتی جناب رسالما ب افندمن حضرتلری برایش اربانه تفویض اولوبده فقط آندن ده مقتدر بریمی موجود ایسه مفوض اولان کیمسه الله ، رسولنه ، مسلمینه خیانت ایتشدیر بیوردینی کی خلیفه کزین جناب عمر بن الخطاب اکر تفویض امور ایده جک اولان آدم مودت و قربات ، جنسیت و رشوت و سائر بر منفعت کی مناسباتی نظر اعتباره آلوده عدالتسزلک مساواتسزلی ایدرسه اول کیمسه اللهنه ، رسولنه ، مؤمنینه خائندر موقعندن طرد و اخراجی لازم کلور دیهرک حکم رسولنه امتثال بیورمشدر .

ای وکلای فحام ! کوریور میسکمز خلیفه ده کی عدالتی ! ایشید بیور میسکمز سیاست عادلانه کی ؟

دور سابقده بتون دوائر حکومت اکثریتله جهله و ملسوین ایله مالی و ارباب اقتدار هر درلو تلطف و ترقیدن خالی ایدی . فقط شمس حریتک طلوعیه اصالت ، نجات اونیه فورمه لری محو اولدی . بونلرک یرینه مزیت علمیه ، محاسن اخلاقیه قائم اولدی . اجرا ایدیلر جک تنسیقه اتلرده ارباب درایت و حسن اخلاق صاحبی آراسکمز اثر فاروقه اتباع ایتش و خلافی تقدیرده مسئولیت مادی و معنویه دن تخلیص کر بیان ایده منسکمز افسوسکه شمدیک اوتسیقات کوریه میور .

بله رق آلدینی ویرمه مک ، کوردیکنی قایمق ، انه کی بومتق موده حکمنی آلمش آیدی . بو حاللر حقوق بیت . الماله قدر سرایت ایتدی . حالبوکه اموال بیت المالك محافظه سی الک زیاده نظر اهمیت آله حق مسائلدندر . چونکه آنده هیئت اجتماعیه افرادینک هر برینک حتی تعلق ایلدیکنندن منافع عمومیه کی موجب محالک غیری به صرفی موجب مسئولیتدر .

هیچ برکیمسه استحقاقی بولمیدنی حالده اموال بیت . المالدن برشی اخذینه صلاحیتی اولمیدنی کی اموال بیت . المالدن ترقیق جائز اولار ذواتکده منی ولایک دائرة صلاحیتی خارجده در .

وا اسفا که ، « طین » غرضه سیله نشر اولنان محمولات لیسته مننده منظور من اولدینی اوزره اموال بیت المال همان عمومیتله هیچده استحقاقی اولیان بر آلائی جباره ملتک یدغصبنده اولدینی کورلیدی . شوقدرکه بوسیلات احوال دور سابقک اثری اولغله فیما بعد حقوق بیت المال محافظه ایدیلر جکی مستغنی عرض و بیاندیر .

سیاست شرعیه ده ناس ایکی تقسیم اولنور . بری عاقبت اموری منافع عامه کی دوشونمیه رک انواع ظلم و اعتدا ایله ارباب حقیق افنا و بوسورتله مرتبه عالییه ارتقا ایتک املنده بولنان منفعت ستردرکه ، بونلرده حمیت وطنیه ، محبت قومیه ، محاسن اخلاق ملیه مفقود بولندیغندن هیئت اجتماعیه ایچنده بر موقع محترم طوته مازلر .

دیگری ایسه دینی ، ملتق سور ، عفت و استقامت ، صدق و حمیت ایله متحلی وطن پرور ذواتدرکه سیاست ملیه بوکی ذوات حمیتسماک سایه عادلانه سنده حسن صورتله تدویر اولنور .

ایشته بورایه قدر سرد و تمهید ایلدی کمز مقدمه دنصکره اصل مقصده شروع ایدرز .

مابعده وار ابن حازم : فرید

حبیب اکرم افندمن « امانت اضاعه اولنورسه ساعته منتظر اول . بیور دقلرنده « یارسول الله امانتک ضیاعی ناصل اولور ؟ » دیه مراد نبوی استفسار اولغله « امور ، اهلنک غیری به تفویض اولنورسه ساعته انتظار ایت » بیورمشدر .

بوسیده بناء درکه فقها ، ناظر وقف ، وصی یتیمک وقف و یتیم حقنده اصلح واقع اولمق اوزره تصرف اولنسنی بیان ایتش و عکسی تقدیرده خیانت ایتش اوله . جقلرندن عزل و تبدیللری لازمکلور دیمشدر .

قسم ثانی : امانت اموالدرکه ، (فان امن بعضکم بعضا الخ) ایت کریمه سی موجبجه و دیعه کی ، مال مغبصوبی ، مال یتیم و وقفی ، مال مضاربیه کی ، مال موکلی صاحبیرینه رد و من مبیع ایله استقراض ایدیلان آقچه کی بایع و مستقرضه تدیه ایله ایفای حقوق و دایون ایلمکدرکه ، حتی هیئت اجتماعیه افرادی بیننده جریان طبیعی اولان بوکی معاملات و سائر خصوصات ذائیه ده امنیت تامه حاصل و آهنگ ترقیده توازن ظاهر اولسون .

یوقسه بوکی خصوصاته اهانت سالب امنیت اوله . جغندن انتظام مدنیتله خلل ایراث و ترقیات مادیه منزه دهشتلی بر مانع ایقاع ایدر .

دور سابقده ایسه بوکی اهم و معتنا مسائل محور لایقنده جریان ایتیمیه رک واقفلرک شرط واقفه ، و صیلرک اموال ایتمه خیانت ، بیع و شرا خصوصنده علی العموم اصنافک حیل و دسائس استعمال ایلملری ، مأمورلر من ایسه اجتناء منافع شخصی به طالدقلرندن احقاق حق پک زیاده مشکل بردرجه کی بولش و بوسورتله راه ترقیده پای انداز اولمه منزه مانع اولش ایدی . چونکه ارباب حقوق ، استحصاال حقوقی ضمننده محکمه لره مراجعت ایلدیکی حالده حقنک کندیسنه ایصالندن امنیت اولمیدنی و افکار عمومیه ده کی حرص منفعتجویانه ایسه دائما منافع شخصی به معطوف بولنسی حسببله منافع عمومیه ملت و چار ذلت اولش و هیئت اجتماعیه نك منافی اونود .

تدریسات و مدارس

خواجۀ اولین اسلامیت اولان جناب فخر رسالت افندمن - حضرتلری سرمایه سعادت و باعث فوز و نجاح اولان علوم اساسیه دینه منری اصحاب کرامنه مسجده تعلیم بیوردقلری و اصحاب ذوی الاحترام اینه عین اثره افتقا ایلدکلی جهته صدر اسلامده تدریساتک جوامع و مساجده اجرائی اصول اتخاذ ایدلمش و دردنچی عصر هجری نهایته قدر بواصولک محافظه سی جهته کیدلمشدی . بودرت عصر ظرفنده اساسک محافظه سیله برابر احتیاجه کوره اولدقجه تحولات حصوله کلدیکی دخی کوریلور . مثلاً اوچنجی عصرده فلسفه و فنون ، معلمینک اقامتگاهلرنده ، طب و لوارمی طب مؤسسه لرنده و علوم شرعیه ایسه جامعلرده تدریس اولنمی اصول مرعیه دن ایدی . استاد برکت تعقیب ایتیز و طایفه کتاب طومزدی . خواجه تفریر ایلر ، طلبه یازاردی . بواصوله « طریق املا » نامی ویریلور . صدر اولدکی مؤلفات ، اکثریتله بویولده حاصل اولمشدر .

طلاب منسوب اولدینی علمی اکل ایلدکدنصرکه زده بولنورسه بولسون طی مراحل ایله زمانک فضلالی مشهوره سندن تنویر افکار ایتکه تشمیرساق ایلرلردی . بوفضلالی بنام ، بومشاهیر ذوی الاحترام یالکز جامعلرده درس ویرمکه قانزلردی . زده بولنورلرسه اوراسی بردارالفنون حائی آلردی . هرکون منتظماً اقامتگاهلرنده تلامذه مخصوصه سی فیضیاب عرفان اولوردی . جامعه کیدرکن اطرافلرنده یوزلرجه طاب علم مستفیض اولوردی . جامعه دخی خلفه تدریسلرنده بولنان متعلمین استفاده ایدرلردی .

بعض مشاهیرک طلبه سنک طلبه سی و آنکده طلبه سی اولوق اوزره اچ درجه تلمیذلری بولنوردی . حتی طیب شهرابوبکرالرازینک دارالتدوینده بواوچ نوع تلامذه

بیان الحق

موجود ایدی . برخسته اولا برنجی درجه ده کی تلمیذه کلور تشخیص مرض ایده منزه ایکنجی به ، اوده ایده منزه اوچنجی به ، بولنورده ایده مدیکی صورتده تشخیص ، حضرت اساده قالیردی . تلمیذ نامی ویردیکمز بودوات نفس الامرده بر طیب حاذق اولوب رازی به نسبة تلمیذ اولدقلری اونوتلما لیدر .

اجازتنامه و شهادتنامه عادی یوقدی . تلمیذ املا و ضبط ایلدیکی تقریری « نوط » و یاخود آرزو ایتدیکی برکتابی حضور استاده اوقور ، استاد دخی « بوکتاب بکا . . . طرفندن اوقونمشدر » صورتده برتخشیه ایله اکتفا ایلردی .

مسلمانلرک بواصعارترقی سنده مستقلاً بردارالتدریس انشا ایدلماسی و خصوصیه دور مأمون کی علوم و فنونک انک شمشعلی بر زمانده مدارسه حسن احتیاج حاصل اولماسی مؤرخینه حیرت ویریلور . فی الحقیقه بیکلرجه علما ، حکما ، ادبا و فضلائک استکنه حقایق قارشوسنده موجودیت حیاتیله لرینی هیچه صایدقلری و یوز بیکلرجه طلاب ، یورلق دیکلنمک بیلیمیه رک ، ساحه علم و معرفتی جولانکله اتخاذ ایلدکلی بر زمانده ، علوم و مافک برسر خارق العاده ایله هدف تکامله طوغری بوللاندینی ، برسرعت برقیه ایله انتشار ایلدیکی ، میلونلرجه مؤلفات ، بیکلرجه کتبخانه لر انشا اولدینی برعصرده مستقل دارالتدیسلر بولنماسی بادی امرده غرب کورینور . لکن اسلامیتک اکتساب معالیاته ایلدیکی تشویق و ترغیب نظر اعتباره آنیرسه و هرشیک تأسیس وابداعنه سائق ، احتیاج اولدینی دوشونیلیرسه ، تدریسانه بانتظام ویرمک ، طالبلری تحصیل مجبورایتمک مقصد اساسی سی اوزرینه مؤسس اولان مدارس و مکاتبه احتیاج حاصل اولمه جنی اکلشیلور .

ایشته بشنجی عصر هجری بدایتلرنده علوم و فنونه اولان تمایل عمومینک حال توقنده قالمی امر تدریسک ترتیب وانتظام آلتنه انمی لزومی کوستردیکندن مدرسه

بیان الحق

احتیاج حسی اویانمه باشلادی ، بواحتیاج اوزرینه ایلک مدرسه لریمز انشایه باشلاندی .

ایلک مدرسه لریمز ۴۰۰ تاریخلرنده نیشابورده « ابن فورک » طرفندن تأسیس ایدیلان برمدرسه ایله بونی متعاقب امام بیهقی طرفندن « مدرسه بیهقیه » نامیه انشا ایدیلان مدرسه در . بشنجی عصر واسطه طوغری برقچ مدرسه ده تأسیس اولنه رق الی سنه ظرفنده دارالتدیسلر دخی همان حال مکملیتیه افراغ اولمش و بوکون بزى حیرته برقان نظام الملک مدرسه سی اوعصرک ترقیاتندن بر نمونه براقلمشدر .

۴۵۷ سنه سنده سلجوقیلردن ملک شاهک وزیرى نظام الملک طرفندن تأسیس و ابو سعید الصوفینک نظارتی آلتنده بغدادده دجله کنارنده انشا ایدیلان بو محتمل مدرسه یوزلرجه متعلمینی احتوا ایلدیکی کبی اتفاق و اکسانیه درعهده ایتشدی . حتی هرمتعلمه بر خدمتچی دخی تخصیص ایدیلورایدی . بومؤسسۀ عامیه نک وارداتی ، مؤسس طرفندن وقف ایدیلان عقاراتک ایراد سنویسی اولان ۶۰،۰۰۰ دیناره بالغ اولیوردی . [۱]

عالم اسلامیتده موقع عظیمی اولان بودارالفنونه ابواسحق شیرازی ، امام ابونصر الصباغ ، صاحب الشامل ، ابوالقاسم الدبوس ، ابو حامد الغزالی ، شافعی ، سهروردی ، کمال الدین الانباری کی غلاملر درس ویرمشلر وحلقه تدریسلرنده نیجه بیک افاضلی پرور شیاپ فیض کال ایلمشلردر . نظام الملک زمانده بویولده وظیفه دار یوزلرجه مدارس انشا ایدلمش وسنوری

[۱] بوعصرده بردینارک اون بش درهمه ۲۰ درهم کوش آرمسند مصول برقیقی بولندیفندن و سطحی اولورق ۱۷۰۵ درهم کوش اعتبار ایدلمش و اوزمانده بر درهم کوش شمیدی قیمتک اوج مثلی تخمین ایدلکندن بوحالده شمیدی پاره - منزله بردینارک قیمتی ۱۰۵ × ۱۷۰۵ × ۳ = ۷۵ فروش ایدر بوحالده ۶۰،۰۰۰ دینار ۴۵،۴۰۰ عثمانلی التونه معادلدر .

بواغورده صرف ایدیلان اقیچه نک مقداری ۶۰۰،۰۰۰ [۱] دینا . بالغ اولمشدر .

بالاخره سلطان نورالدین ذکی ، صلاح الدین ایوبی کی سلاطین و امرا دخی بواثره افتقا ایله ممالک اسلامیه نک هر طرفنده مدارس انشاسنه باشلامشلردر .

مابعدی وار

فطین

« لمعه دیانت »

قطرات حقیقت سرلوحه سیله شیرازه تحریره باغلا . دینم مقاله دینه ده کی تصفیۀ ارواح مسئله سی نظر دقتدن دور طوتولیه جق مهم مسائلدندر ! حیف که حالده کی اشتغال استقبالدن اغفال ایتشده احکام آخرتی اونوترمش هر زمان بیان حق ، وظائف علمیه دن معدود ایکن او وظیفه محترمه بی تبلیغه اهل اولق شویله طورسون خطابه غیر قابل آدملرک عهده استبدادینه تودیع ایدیلرک هر برده هر مسلکده ایشلر قارشمش ، سیاق انتظامدن جقمش .

اسلافک جاده استقامتی اخلافه کوسترمکه مأمور اولانلر هنوز وظائف مقدسه نک نه دن عبارت اولدینی تعیین ایده من از جمله مکوت عنه براقلمی کیم حقیقت صایلان شو مسئله مهمه بی اتیان ایده لم ، بوکون انظار عالینه عرض خدمات ایله اداره شرعه مأمور علمامن ، واعظلرمن دگی ؟ ایشه اونلرک ارباب حقیقی مستثنی اولوق اوزره چوقلری وارکه نشر حقایق مقصدیه تشکیل ایدیلان مجالس موعظه ده اساسسز و یاخود لزومسز حکایات غریبه به حقوق شرعی فدا ایدیلور . کورنلرده دیورکه علم بو ، عالمده بوا هیات . . . اویله

[۱] ۴۵۶،۰۰۰ عثمانلی آلتونی .

دکل اما سوله به جک آغز یوق اصدق اقوال، احکم مسائل اولان حضرت قرآن مبین اولیه رعنا، اولیه رلکین بر فرمان حق درکه طاشلره اوقواسه اریدیر، دین اولیه عالی، اولیه مقدسدرکه نشر ایتدیکی جواهر حقیقت بتون ارباب هنر وصنعتی بیک کره آلیر، ینه صانار. کلام اقدسک آیات عظامنده مخفی اولان احکام مقدسه نهدر، نهدن عبارتدر ا کلامق، ا کلا دیقمزیده آکلاتمق اکبر وظائفدن معدود ایکن، او وادیلره قطعاً یا قلاشمیهرق یالذللی، بارلاق سوزلرله برقاج سمع وقافیہنی برلشدرمکله اکفایا ایدیایور مطلوب اولان تبلیغ احکام نقطه لری کیری «ایسور» ولکن منکم امة یدعون الی الخیر» نص جلیلی موجبله رهبر خیر اولمق علمانک رقبه ناموسنه تحمیل ایدلشددر! شو حمل تقیلی خفیف کوروبده بر طرفه بر اقان ایکی عالمده مقبونددر.

«ان الملوك لتحكمن علی الوری»

«و علی الملوك لتحكم العلماء»

بیتی فحواسنجه بالعموم مسائل نازلده مرجع علمادر، اولنده کی حاکمیت معنویه فرمان حق ایله مصدقدر، موروث انبیا اولان علوم شرعیہنی حوصله اقتداره آلوبده آغزلری قبادانلر مأموریت مشروعه لرینی چیرکین بر صورتده سوی استعمال ایتش اولورلر. فی الواقع قبیله کوشده حقیقت کو واعظلرمز وارسده اکثریتله بسیط الفکر آدملرک او وظیفه مقدسه نی درعهده ایتش بولونمالری بیوک بر رخه در. هله علوم و معارفدن بی بهره ایکن کسوه علمایه بورونوبده خلقه کورونانلر شو عالم اسلامیتده نه بدعتلر توره تمشدر! اگری تبسیرلر، یا کلش تفسیرلر یاپارق بعض احکام دیاتی خللدار ایتشددر. «ایشته مثال» تصادف ایتدیکم تواریخ مختلفهده وعظ ایدنلردن بری «شهدالله انه لا اله الا هو» آیتده شهبدرلر جسته کیره جک دیمنه «لا یخیر قوم من قوم» آیتده کیمسه کیمسه سحر ایدوبده

تسخیر ایتسون دیمنه «ویرزقه من حیث لا یحتسب» آیتده حسابسز رزق ویرر تعبیرله یا کلش معنا ویرمنه نه دیملی. بیان حق نقطه نظرندن انک مهم مسئله بولردر افراد اسلامیه نی برر برر بولوبده تلقین اخلاق ایتک قابل دکل، لکن واعظلرمز جدأ مقتدر ذوات کرامدن تعیین ایدر اولنرده اعلاهی حق بانبده فکر سلیم ایله نشر مسائل ایلرسه عالم بر مکتب مدنیت شکلی آلیر. ترقی کوزلری او یانیر جهامک منبع فنونی صاییلان قطعات متمدنه بزی چشم تبرکله کوزتمکله باشلار، ذاتاً اولیه دکل ایدی. اندلس دارالفنونلری صاییلان مدارس محصولانندن اجنبی لسانلرینه ترجمه ایدیلان قدر آثار نفیسه وار، کتبخانه لر لبالب آثار اسلاف ایله دولمش طاشیورده، بزحالا سطحی برزمینده کزوب دولاشیوروز.

ارزنجان مدرسندن ورشدیه

مسکریه معلرندن

احمد مقداد

— اسلامیتده طلب معیشت —

شریعت غرای محمدیه؛ خلقه ضعیف، حیوانات سائره کی مستقلاً احتیاجاتی تدارک وتسویه غیر مقتدر، هر حالده یکدیگریکنک معاونتده مفتقر بولنلر انسان ایچون حوایج ضروریه سنی تأمین خصوصنده هر درلو تشبیهات مشروعهده بولمنسی، مرزعه آخرت اولان بو دار سنی وتکلیفده — نتیجه ورزش و عمل اوله رق — آنجق احراز ایده بیلدیکی ثنوبات مقدارنجه نائل نم ابدیه اوله جققی امر و بیان بیورمشدر.

بنابرین لازمه معیشتی استحصال ایچون انسان اسباب معیشته دلالت ایده جک عقل و ادراک ایله ارزاق مقدره سنی طلب ایتک بر امر طبیعی و شرعیدر. اما

کرچه بو نظم جلیل؛ جناب پیغمبری طاب معیشته ترغیب وادیسنده سوق اولنماشدر. فقط احتیاج مقداری حظ دنیوینک اخذ واستحصالتک مذوییتی افاده ایدیور.

آنکچونددرکه نبی محترم افندمن حضرتلری؛ (لیس خیرکم من ترک الدنیا للآخرة ولا الآخرة للدنیا ولکن خیرکم من اخذ من هذه وهذه) بیورمشلردرکه معنای جلیلی؛ (امم! دنیایی آخرت، آخرتی دنیا ایچون ترک ایدنلر، سزک خیرلرلرکز دکلدرلر. بلکه سزک خیرلرلرکز دنیاندده آخرتدن ده حصه دار اولانلردر» دیمکدر.

کذلک صحیح بخاریده مذکور اولدینی اوزره جناب هدایتاب افندمن بر حدیث نبویلرنده «انسانک کسب یدیه قازانوب بیدیکی طعام کی خیری برطعام قطعاً اوله ماز. نبی الهی داود علیه السلامده کندی قازانجیله کینیردی» بیورمشلردر.

قرآن کریمده بیان بیورمشلردرکه داود علیه السلام تعلیم سبحانی ایله کنیش زرهلر اعمال ایدرمش. یالکز حضرت داود دکل بتون قوافل انیساده برر حرقتله تحصیل معیشت ایتشلردر. بنابرین محافظه حیات وتأمین سعادت ایچون لازم کلن اسبابی استحصاله سی وغیرت ایتک بر حرکت مذمومه عد ایدله من. چونکه دنیا سز آخرت اولیور.

«لا تتبع الدنیا وایامها»

ذما وان دارت بك الدائرة

من شرف الدنیا ومن فضلها

ان بها تستدرک الآخرة

مالی

دنیا، وقوعات کونا کونی حاوی اولان قره کونلرله سنی محفوف مصائب وشدائدی قیاسده ینه سن انی لسان مذمتله یاد ایتمه. دنیا ایچون شرف و مزیت صاییلان اموردن بری ده نم اخرویه نیک انجق دنیا ایله قابل استحصال اولمسیدر.

ارزاق مقدره سنی تحصیل خصوصنده برخیلی مشاق ومشکلاته تصادف ایده جکمش نه بأس وار.

علی المرأ ان یسی لما فیہ نفعه

ولیس علیه ان یساعده الدهر

یاخود نصیبه عقل و ادراکنک قوت وکالنه رغماً بر حصه جزئیه الده ایده بیلمش؛ بوندن تحصیل معیشت حس واعتقادینه نه ضرر؛ خالقه قارشى سوء ظن بسله مک، سبب ضلالت عد ایتمه نه سبب. شاعره:

کم عاقل عاقل اعیت مذاهبه

وجاهل جاهل تلقاه مرزوقاً

هذا الذى ترك الالباب حائرة

وصیر العاقل النحریر زندیقاً

دیه تصویر ایتدیکی کی نیجه عاقللری اسباب معیشتی تأمین خصوصی سرکردان ایدره ک سبب ضلالتی اولمنه، بر جوق جاهلدرکه انواع ناز ونم ایچنده حیات گذار اولوب کیتمنه باقوبده ترک طلب وسعی طوغریمیدر؟ هم بزه علل مصالح هپسی منکشفمیدرکه سوء ظنه حقمز اولسون. بعض مصالح وارددرکه — حکمة — آنی بیلیمکده آنجق جناب ذوالجلال افراد ایتشددر. مادام که انسان فطرة آجینقی قاپاتمه، آجلقنی ازالهیه، هر درلو احتیاجات ضروریه سنی تحصیله مفتقددر. هر حالده اسباب لازمهیه توسل ایتسی ضروریدر. بو، ایسه محیطنک درجه تمدن وتربیه سنی بیلیمکله، اکاکوره تربیه کورمکله حصولپذیر اوله بیلیر. بو خصوصده استغنا کوسترمک، اوک برکوشه سنه چکیلوبده اوله بوم بوش اوطورمق کار عاقل دکلدر.

جناب حق؛ رسول ذی شانیه بیله (فاذا فرغت فانصب والی ربک فارغب) نظم الهیسیله فرمان بیور. مشدرکه اهل تأویلاک بیانیه کوره معنای منینی: «حییم! امور دنیاندن فراغت ایتدیکنک وقتده عبادته قیام ایت. انجق ربکه توجه ایله» دیمکدر.

لكن شريعت غراي احمدیه ؛ حب دنيالك ، طلب معيشتك كمت وكيفيت مشروعه سته ده تفيد ايدیور . امل دنیوی ممدوحدر ، بر رحمت سبحانیه در . وجوه خیره مصروف اولق شرطیله ، شاید امل اولسه ایدی روی ارض طبیعتیله معطل قاله جفندن اثر عمراندن محروم اولوردی . انسانلرک اوزرنده یاشامسی بیله غیر قابل برحاله کلیردی . بر عصر اهالیسی کندیلرندن اول کدران اولان املک آثار عمراندن هیچ برشی توارث ایتهمش اولسه ایدی شمدی نر عجیب دنیای نه حالده بولوردق .

جناب رسالتاب افندمزدن مروی اولان بر حدیث شریفده بونی مؤیددر . (قال سید الایماء صلی الله علیه وسلم الامل رحمة من الله لامتی ولولاه لما غرس غارس شجراً ولا ارضعت ام ولداً)

یوقسه قارون کی جمع مال وثروت مکتسبه بی عباداللهه ظلم و اذا یواننده استعمال یتیلله پرورده ایدیلن امل مذمومدر ؛ حرامدر . حتی انسانک دنیادن اولیه بر امل غیر مشروع ایله ادخار ایلدیکی حظ وافر ؛ فطرتنده مرکوز بولنان طغیان ترییده سبب اولدینی ، بعض ام سالفه نك احوالنده کورلدیکی کی کندیسنی الوهیت دعواسنه قدر سوق ایتدیکی ده مستمر آشهود اوله کمشدر : (قال الله تعالی عز وجل : کلا ان الانسان لیطغی ان رآه استغنی) اما شرط صلاح ایله پرورده ایدیلن امل نه قدر واسع اولورسه اولسون مستحسندر ؛ مقبولدر . امل مقبولک اساعندن دولای صاحبی سزای لوم کوریه من ؛ توکلندن ده چیقمش صایلمز . مبالغ فضیلت توکل بولنان نبی ذیشان افندمن بیله ازواج طاهراتنک برسنه لک معیشتی ادخار بیورمشلردر .

خلاصه انشای جنسنه معاونت ، اعلائی کلمه الله ، اعمار وطن ، ترفیه اولاد و عیال نیات خیره سیله ادخار ایدیلن ثروتلر ممدوح اولدینی کی (نعم المال الصالح للرجل الصالح) ستایشنه بیله مظهردر . باخصوص

محافظه حقوق وطن فکر یله ادخار ثروت ایدیلرسه مندوبیتدن فرضیه ارتقا ایدر . جناب ذوالجلال ، مدافعه دشمنان ایچون کوجکزی یتدیکی قدر قوت احضار ایدکز . دیه مؤمنینه کتاب حکیمنده فرمان بیورمشدر . بو فرمان الهیدن استنباط اولنورکه مؤمنلر بولندینی عصر ومحیطک ایجاباتنه کوره تهیته قوت ، جمع ثروت ایتسی واجیاندندر . بو وادیده تلقینات جلیله اسلامییه یک چوقسه ده مسرودات واقعه بی طلب مدیشتک نظر شریعتده نه درجه لرده ملزم اولدینی انبانه کافی کوردک . حسین حازم

ادبیات

نزول قرآن

بره اینمکنده سمان متعالی بر نور یننه بر معجزه باهره ایتمکنده ظهور یریدر قطعه محرومه دلدن چکیلوب عدم آباءه قدر کیتسه ظلام دیجور

معکس شعله لاهوت اولیور سرنایا حجره مظلمه قسوت ایکن غار حرا غبطه خوان اولسه سزا عالم علویته شو تجلی شفیروره طور سینا

جبرئیل ایتده بر زمزمه وحیه آغاز وجده کلکده بو حلاله بوادی حجاز صانکه هر آیت فرقان اینورکن خاکه ایتک ایستردی زمین ؛ اوج سمایه پرواز

متوالی کلهرک نزد خدادن فرمان اولیور سیننه مشتاق محمد جوشان سر بسر رفرغ غفلتده اولیورکن ناسوت اویانیر صیت نبوت ایله بخت عربان

ایدیور ام قرادن نبعان فیض خدا طولیور شمشعه مهر هدایتله فضا نور حق بر افق بادیه دن برق اورمش دیه جک حشره قدر عالم صرفانه صلا !

دیورکه : ناطقه لر ، روشنا مفکره لر بتون طلاقت ورقله پارلایوب یربر سمای معرفته ، اوج عرش عرفانه نه رتبه یوکسله جک اولسه لر نزیهانه

بو اعتلاری اعجاز اوکنده یک دوندر اوامر خارقه اسرار حقه مقروندر خرد ، او طاق معلائی بر زمان آشاماز بشر ، سرائر لاهوت غیه یاقلاشه ماز

خیال و خاطره کندنجبه چوق دونر ، طولاشیر فقط شو ساحه بی کجکیمی حال باشقه لاشیر طبیعت ایرکیلیر ، اعجازده ک صعود ایده من

عقول ؛ او مرحله تشکی طی ایدوب کیده من کیدر ، کیدر طیانیر پیش پایه عجز بشر قالیر ، سقوط ایدره رک رهگذاری سد ایلر کتاب منزل حق ، حجت درخشانم

مدار صدق رسولم ، برات ذیشانم تردد ایله بن افکاره قارشى سوز بردر : دیک که فکر بشرده بو امره قادردر یا طورمه یک ، قیسه بر سورده سن ایدک تنظیر ویا کتاب سماوی دییوب قیلک تقدیر

عرب ، محافل مخصوصه ایلوب تشکیل لسانه ، نظره عرفانه ایتدیلر تعویل

چالشیدیلر ؛ فقط امکانه کلیر تنظیر کلام حقه خیال بشر اولورمی نظیر ؟ دینلدی شعر و کلمات دیرز یا سحر و جنون فقط بوسوزده صنادیدی ایتیور ممنون کال عجز بی فهم ایله نجبه هپ عربان آتیلدی معركة حربه الدهه سیف و سنان قناعت ایتک ایکن چاره حکم وجدانه قلیج مظفر اولور ظن اولندی قرآنه اولورمی باطله مغلوب ، امر حق هیات ! طوررمی قادر وقهاره قارشى لات و منات ؟ اولورمی چند الهی خیول شرکه زبون ؟ حبیب اکرم الله ایدرمی یا محزون ؟ بتون محافظه منصب اولدی وارسه سبب سریلدی خاک هلاکه مخالفین عرب تأسس ایلدی بردن شریعت غرا هان ، هان ایدره رک شرق و غربی استیلا اووقه دک نه ایدی ارتقا ؟ مثال عدم بشر بوسایده باصادی ترقییه قدم

فاتح درساملرندن قونیلی ع . عاطف

تخمیس نعت شریف

چنین انورک مرآت وحدت یارسلو الله دلك كنجنه غیب هویت یارسلو الله قدومك آت بشرای رحمت یارسلو الله « وجودك مصحف باك هدایت یارسلو الله » « سنك ماهيتك حقن عبارت یارسلو الله »

§

احدودن احمدیت صورتیله رمز مشتقین . مشار نکته نشرح ، مال ماه منشقین

حزیم وحی ربانیده جبرائیلہ اسبقین
 « امین علم حق ، آینه دیدار مطلقین »
 « سنی کورمکه بر در حق رؤیت یار رسول الله »
 §
 نبی الله اعظمین ، پرستشگاه ایقانسین
 دبستان حقیقده سبق آموز عرفانسین
 مصور فیض مولاسین ، ظهور اسم رحمانسین
 « مجسم سر یزدانسین ، اساس دین و ایمانسین »
 « وجوب حقه ذاتکدر اشارت یار رسول الله »
 §

محاط عقل انسان اولمادنی بی شک مبراسین
 خرد سوز بشرسین ، بر محال الحل معناسین
 باقیاسه کبریای حقه مجلای مجلاسین
 « بیوکدکن بیوکسین ، هراتصودن معلا سین »
 « بیوک وصفی سکا ایتمز کفایت یار رسول الله »
 §

بیلمنلر اتحاد نسبت قدسیت عشقی
 کوررلر ذات پاک اقدسکده وحدت عشقی
 ایا حقک شرف اندوز حقانیت عشقی !
 « حبیب کبریاسین ، فهم ایدن ماهیت عشقی »
 « سنی غیر از خدا فرض ایتمز البت یار رسول الله »
 §

سنک ای مسند آرای « امیرک ! » حضرت الله
 بتون اکوانه ایتشدر در جودک دخالتگاه
 کدای آستانکدر شهنشاهان صاحب جاه
 « جهانہ مستقلاً حکمفرما اولمغه بالله »
 « مراجع باب لطفکده اسارت یار رسول الله »
 §

رضای پاککه خدمت رضای حقه خدمتدر
 اطاعت ذاتکه عینله الله عبادتدر
 کوکل اول فیض نسبتدن شرفیاب سعادتدر
 « بنم سرمایہ فخرم او حرانه اسارتدر »

« خدا حقیچون آزاد ایتمه لطف ایت یار رسول الله »
 §
 امان ای ملجأ امت ! او رستاخیز اکبرده
 سر بیچاره مه ایله جناح لطفی کسترده
 آ کیلقدقه قولک « طاهره » بکا منسوب اوچا کرده
 اسیرمدر بیور ، کافی سعوده روز محشرده
 « نه حاجت ایستهم بر بشقه دولت یار رسول الله ! »
 حنفید وحدتی طاهر المولوی
 سعود

بیان الحق
 نعت شریف ایله تخمیسنک پارلاقغه دیه جک یوقدر.
 یالکنز :
 حبیب کبریاسک فهم ایدن ماهیت عشقی
 سنی غیر از خدا فرض ایتمز البت یار رسول الله
 یتقی کبی بر ایکی نقطه سینه سعود افندی برادر مزک جد
 عالیلری مرحوم ابوالسعود افندی حیانه اولسه لر
 ظن ایدرزکه مساعده ایتمز دلردی . نعت شریف وادیسنده
 ابراز مساعی مبروره ایتمز ایستین اخوانمزه عارف
 بوصیرینک :

دع ما دعتہ النصاری فی نهبهم
 واحکم بماشئت مدحافیه واحتکم
 قولنک نظر ابتصاردن دور طوتلماسنی رجا ایدرز .

قطعه [۱]

هم جنسنک نه اولدیفنی بیلمیور ایکن
 کیفیت خدایی فصل آکلاسون بشر ؟
 خلاق ذوالجلالدر الله ، بزایسه
 مخلوق عاجز ؛ بونی بیلمک بزه یتز !

[۱] حضرت امام علی [کرم الله تعالی وجهه] افندمزک
 بر قطعه مقدسه لرندن مالاً مقتبسدر .

دیگر [۲]

راضی یز ویردیکی قسمتله معبودمزک
 که بزه علم عطا ایلدی ، اعدامزه مال
 مال برمدت جزئیہ ایچوندر که یتز
 علم باقیدر ، آنکچون متصورمی زوال ؟
 حنفید وحدتی

قطعه [۳]

معانی سطور کائناتی ازبر ایت ، زیرا
 سراپا حفظه شایان بر کتاب حیرت افزادر
 او قورسهک دیده امعان ایله ، تسلیم ایدرسین کیم
 خدادن ماعدا هر شیده بطلان آشکارادر
 کذا

بومال بالاخره شو رباعی ایله ده افاده ایدلمشدر :

رباعی

بشکر بسرایای سطور عالم
 کین نکته نوشته بخواند عاقل :
 آگاه شوی ز خواب هستی کران ،
 غیر از حق هر چه هست باطل باطل !
 کذا

توحید باری تعالی ونعت سیدالانیا علیه التحایا

ای صاحب رشد و علم و عرفان !
 ای اهل بصیرت ، اهل ایقان !

[۲] کذا .

[۳] مآلی جناب شیخ اکبرک بر بیت مشهورندن منقولدر .

باق ، باقی شو سطور کائناته
 امعان ایله لوح ممکناته
 بر معکس حکمت و عبردر
 زیرا اثر یدقدردر
 انصاف ایله برتذکر ایله !
 دقت ایله بر تفکر ایله !
 باقی آیه لیل و نهاره
 قیل سجده همان او گردکاره
 آثار مؤثر حکیمه
 افعال مدبر علیمه
 بی نطق وزبان ایدر شهادت
 بی لفظ و بیان ایدر دلالت
 یوق بشقه کواحه هیچ حاجت
 بالله بو بر جلی حقیقت
 ارکان سما ، بتون خلأقی
 برهان وجود ذات خالق
 باقی دقت ایله شو انتظامه !
 واردر بونی بر قویان نظامه
 ایسته اودر اول یگانه معبود
 کیم ارض و سماده ذات مسجود
 یعنی : او الهی ؛ انس و جانک
 سکان زمین و آسمانک
 ایسته او لطیف عالم آرا
 فیاض محیط کل اشیا
 اول ذی ملکوت رب عزت
 صاحب جبروت و حکم و قدرت
 پیرایده قباب افلاک
 بنیادنه وسیعۀ خاک
 منان عمیمه العطایا
 رحمان رحیم لطف بخشا

وار ایلمه دن نو کاشانی
خلق ایلدی اصل ممکناتی
یعنی که او نور مصطفائی
اول جوهره کرانهایی
بو وجه الله مبدأ اولدی کونه
اول ختم رسل شه یگانه

مابعدی وار

طلبة علومدن و دارالمعلمین ادبیات
شعبه سی مداوملرندن قیصریه لی
محمد شمس الدین

عند ذکر الصالحین تنزل الرحمة

— امام شافعی —

النده سیف شریعت ، دلنده نور هدی
عمر مقام خلافتده مرجع اسلام
نگاه هیبتی دهشت فزای حرب و وضا
عمر کتیبه اهدایه قبر بر ابرام

عمر دینچه عدالت کلیر دله درحال
تغیر ایله منزه اولمش علم بو فطرتله
بو اکملیتی فاروقه واجب المتعال
ویروب ده عالمه کوندردی ایشبو خصلتله

عمر که رأی رزینی مصدق و ممدوح
عمر که ذات کزینی و لهرس اقران
عمر ممالک موجودیه مژنک فتوح
عمر که قبضه تسخیرینه جان آتدی جهان

فتح ایله دیکی یرلری تعداد نه ممکن
صایمقله توکنمنز بونی ایراد نه ممکن

بردانه سیدر قدس مبارک باقک ایشته
شانلرله ، شرفلرله تواریخه نوشته
قدسک کورونور مسجد اقصاسنه باقسهک
عدل همری قبه بالاسنه باقسهک
غزیه بورانک طائلی بر اقلیم اطیقی
قونمش ایکی طاع بیننه بنای ظریفی
بالاسنه بردانه سنک مسجد عالی
یامش متوطن اولان افراد اهالی
اولجه کلیسادن ایدلش ایدی تبدیل
بر معبد اسلامه اولمش ایدی تحویل
صنعتلی ، اطافتلی اولان اسکی مناری
توحید ایله تفریق ایدیور نور ایله ناری
تاریخه تعلق ایدیور غزه تماماً
تاریخشناسانه حواله ایدرم بن
ایشته بو کوزل مملکتک ساحه خاکی
عنوانمژک صاحبک مولد پاکی

کچدی هجرتدن تمام یوز الی ییل عندالحساب
ارتحال ایتدی امام اعظم قدسی جناب
بر روایتده امام شافعی طوغدی اوکون
مملکت اعیانی ایتشدی قدومیه دوکون
عالمک هر حالی دقتله باقیلسه بی قرار
شاد و خرم برطرف ، دیگر طرف مائمه گزار
نام طقوز ییل مملکتده شافعی قالمش ایدی
پک چوجقه کن خیل علم و معرفت آلمش ایدی
بعده بغداده کیتمشدی او معلومات ایله
یکرمی درت آی صوکره دوندی بونجه مضبوطات ایله
نیت ایتدی حج ایچون ام القریاه اول امام
یثره عزم ایتدی آراتق بعد تحصیل المرام
بوده باشلار شافعیکن همت مشکوره سی
نزد پاک مالکیده غیرت مشهوره سی

تخمیس

« کیم حیرته دکل ؟ »
غزل معلم ناجی مرحومکدر

نظر وقف تماشا ، مطمح انظار حیرته
امل موقوف هیچی ، ورزش وافکار حیرته
بیلنمز بر غریب آهنگ وار ، اوتار حیرته
پریشان وصل و هجرانده دل ، دلدار حیرته
دواسازین براقش حالت بیمار حیرته

§

محاط هول بر وادی بی پایانده پویانم
ید شوق و هوسدن دوشمیور بر دم کر بیانم
اولور هر کوردیکم آشنزن آرام و امعانم
تجلیدن نه در مقصودی یارک بن ده حیرانم
تجلی دیده سرکردان ، تجلیزار حیرته

§

تخالف رؤیت و اشیاده حاکم ، مؤتلف محرور
محاسن اعتباره مستنددر ، مستندی مهجور
طایر هر فرد فعله نسبتیه کندینی مأجور
نیچون مقهور دست ابتلادر بی خبر مغدور
نه دندر غدره میلی طبعنک ، غدار حیرته

§

نیجه یوز بیک جهان وار قبضه حکمنده تقدیرک
قیاساً ذره در عالم ، اوده محکومی شمشیرک
نه در ، مدلولی وارمی فکر استیلا و تسخیرک
نیچون بیک جانه قیسون تیغ ظلمی برجهانگیرک
جهان حیرته ، جان حیرته جان آزار حیرته

§

بیان ماضی بی وارسه کشف استقبال و حال ایتسون
متون سر بسته ، السائلر نصل شرح مال ایتسون
عجز یابندایکن قابلمیدر کسب کمال ایتسون

مالکک پیرامنده صانکه بر پروانه در
جان فدا فرماننه لکن بویک شاهانه در
تام اون اوج ییل اخذ فیض ایتدی جناب مجتهد
برکالات و فضائل اولدی ، ذاتاً مستعد
اکلادی حضرت ، کتاب الله ایله هر سنتی
حاصلی کوردی قیاسی ، اجتماع امتی
احمد خبیل کبی بر ذات مشکور الهمم
شافعیدن اخذ فیض ایتدی او دانای اهم
روح مالک اوج علیننه پرواز ایله دی
شافعی کیتدی ینده حکمه آغاز ایله دی

ینده قالدی براز مسند قضاده امام
عراقه کیتیمک ایچون ایتدی بعده اقدام
او قطعه لرده احادیثی ایتدی هپ تعمیم
اصول فقهیه ده طلابنه قیلوب تعام
تدرس ایله دی بیکلرجه خلق ، ذاندن
شرف او ذاته که حقهک تجلیاتندن
منافع اعمه وقف نفس پاک ایتدی
قلوب امتی فضلیله فیضنک ایتدی
مؤخرأ اورادن مصره روبراه اولدی
او قطعه حضرت بر طائلی جلوه کاه اولدی
مصنفاتی امامک یوز اون قدر دینیور
عددج ، بلکه بو مقداری ده کچر دینیور
صلاح وزهد ایله هر یرده نامی پک مشهور
سخا وجود ایله دیلدرده دائماً مذکور
رحمة الله علیه و علی من تبعه

جمعیت علیه افرادندن
محمد عارف

الهی، حکمت ایجاد می کند سؤا ایتسون مؤثر پرده پوش کبریا، آثار حیرتده مفری کوی : ۱۱ تشرین اول ۳۲۳ خلیل ادیب

اجتماعیات

فس و قالپاق

بر هفته اول صباح غزیه سی نسخته لرینک برنده بو عنوان ایله ادهم نژاد امضالی بر مقاله مندرج ایدی . مقاله صاحبی فس فابریقه لر و وجوده کتیرلک اوزره بعض جدی تشبیهات خصوصیه ده بولندیغنی بیان ایتدکن صوکره فسلرمن حقنه بر خیلی تنقیدانده بولنه رق دیورلرکه :

« فس نه قدر اصلاح ایدیلسه، پوسکولی اغوا ایدیلسه، رنگی دیکشدریلسه ینه ظریف، ساده بر شکل آله ماز، ینه عثمانلیلک مالی اوله ماز . قالپاق .. باقکنز قالپاق بزم در . شرک سته لرحه طاشدینی سر پوشدر . الملک بوقوت حرکاتنده کوریلن کچه کلاهلرک برینی قالپاق طوتدی . هر برده ، استانبولده ، ازمیرده ، سلانیکده آرماتنده قالپاق نعم ایتدی . ذوق سلیم انی مرجع کوردی . انتخاب ایتدی . هر سیاه برظافت (۱) بخش ایتدی . »

« کشاد ایدیله جک عثمانلی فابریقه لر آوستریا فس فابریقه لرینه رقابت ایده مزلر . آوستریا متاعنه قارشو بوقوت وار ایه ده بعض قومیسوخیلر منفعت شخصیه لرینی تامین ایچون آوستریا فسلرینی ینه پیاسه یه قویه بیلیرلر . بولرک ، ده حال ابتدائیده بولنان عثمانلی فس فابریقه لرینک موقعلرینی آوچوق ته لک یه معروض برافقه چالیشملری دائمی بر احتمال تحتنده در . حال بوکه

بیان الحق

قالپاق اعمال ایده جک فابریقه لر تأسیس ایتسه ک بو محذور کلیاً ازاله ایدلش اوله جنی کبی آرزوی عمومی یه ده خدمت ایدیله جک بو وسیله ایله ذاتاً کندیمرک اولیان سر پوشمز دیکشدریلش اوله جقدر . »

اولا فسک ، گندی سر پوشمز اولدیغنی، شمدی یه قدر فسدن باشقه برشی کیمه مش اولان ترکلر بک کوچ نسلیم ایدرلر . فسک ، بزم گندی سر پوشمز اولدیغنی اکلایه مامغه حقمز واردر . بزم ، کنجلمزدن اختیار . لرمزه قدر طوغدق ، بو بودک ، بوکونه قدر باشمزده فسدن باشقه برشی کورمده . برکسوه نک ، کندمزک اولق وصفی احراز ایده بیلمسی باشقه درلو نه ایله قابل اوله جنی صوراریز . شرقیلرک بر قسمی قالپاق کیر ایش ، اجداد مزده فسل دگلش . لکن بو جهتلر بزم ، فسل ایلک قبول ایتدیکمز دورده موضوع بحث ایدیله جک شیرل ایدی . حال بوکه بزم کوزمزی آچدق سر پوشمز اوله رق فسل بولدق وحالا باشمزده اونی کور ییورز دیمک که فس بزم گندی سر پوشمزدر ، هر برمه له یاشیت اولق درجه لر نه کندیمرکدر . دنیانک هر طرفده ترکلرک علامت فارقه قطعیه سی اولق اوزره نقرر ایتش ، طانتشدر .

ترکلرک عصر حاضرده فسدن باشقه بر سر پوش ایله طانتامش اولدقلری شونکله ده ثابتدر که کچلرده ینه فسلرمن حقنه بر مقاله یازان دیگر بر محررده اروپا ممالکنده بولنان فسل ترکلر ، فنکارک انظار استحقاری آلتنده صیقله رق نهایت باشلرندن فسل آتوب شباقه کیمکه مجبور اولیورلر دهرک فسلرمنی تنقیده چالیشیوردی .

شمدی، فس بزم گندی سر پوشمز اولدیغنی ادعا ایدن محررک سوزی ایله بو محررک شو اعترافات الیه سی قارشیلشیدردقن صوکره فس ، ترکلرک سر پوشی اولدینی ولکن فسمزی تنقید ایدرکن بزم کندمزی تنقید ایتش اولان ایکنجی صاحب مقاله نک کلامنه نظراً

بیان الحق

معروض اولدیغمز [صحیح ایه] انظار تذلیلدن قور . تولق اوزره سر پوشمزی دکلده کندیمری دیکشدریمک لازم کله جکی ثابت اولور .

طوغریسی بزم ، بعض ارباب قلمک ، مدعا ییله مناسبت آلمانان بوکی استدالات غریبه سته شاشیورز . صیاحده کی مقاله صاحبنک ، سر پوشمزک دیکشدر . لمسی آرزوی عمومی یه خدمت شکنده کوسه ترمسی ده بونوع غرائب استدلالدنر . اوچ بلده نک اوچ یچو قسم اها ایسنده کوریلن میلانه آرزوی عمومی نانی ویرمک غایت استعجابکارانه بر حرکتدر . چشممزه یالکنز اک یقین یرلرده مصادف اولان شو، آرزو نمونه لر آرزوی عمومی یه نسبتله او قدر ناقص ، او قدر محدود قالیرکه بوقصانی، محرر مقاله نک گندی آرزوسنک انضمامندن باشقه تماملانش کبی کوستره جک بر سبب یوقدر .

لکن هر حالده ینه بومقاله [صیاحده کی] نسبتله بک معتدل فقراتی حاویدر . یالکنز اک زیاده قابل عفو اولیان قصوری فسلرمن حقنه کی اعتراضاتی، مملکت مزده فس فابریقه لر و وجوده کتیرلک اوزره بعض جدی تشبیهات خصوصیه ده بولندیغنی استخبار ایتدکن و استخبارات مذکوریه یه کندیسی یازدقن صوکره یوروتش اولسی تشکیل ایتکده در .

چونکه مملکت مزده ، وجودت علامتی کوستره که باشلایان هیچ بر لعه صنعتک اطفاسنه قیاماملیز .

کشاد ایدیله جک عثمانلی فس فابریقه لر آوستریا فس فابریقه لر بیه رقابت ایده مزی ایش بزم کیلر حال ابتدائیده بولیدیورمش . بک اعلا حال ابتدائیده بولنان فس فابریقه لریمز رقابت ایده مزی ایه حال عدمیده بولنان قالپاق فابریقه لرمنی اوروپانک، آوستریانک، دارالصنا . علیه رقابت ایده جک . بزم بوکون نه کینسه ک اونک اییسی، نظر فرینی اوروپانک چیقاره جفته شبه یوقدر . بورقابتی اول و آخر اک زیاده تأمین ایده جک بزم، مشتری

ومسبک قسمی تشکیل ایدن اهلیمزک حیت واتحادی اوله جقدر بو حیتی، بو اتحادی محافظه سر پوش قدیم لیمزی دیکشدریمز اولق اولقن ایه ابقاء ماکان علی ماکان طرزنده اولق البته ده زیاده سهل الحمولدر . محرر مقاله نک نهایت کلامنه طوغری :

« شمدی یه قدر اعمال اولنه کان قالپاقلرک یچملرنده هیچ بر اتحاد یوق بوکا بر شکل ملی ویرمکه مجبورز . غزیه لرمن یاخود تأسیس ایده جک فابریقه لرمن اهمیتلی دینله جک بر مبلغ تعیین ایله بر مسابقه یایی درلر . اک کوزل، احوال حاضره و شریعت اسلامیه مزی ایله مناسب، ساده ، ظریف بر قالپاق نمونه سی بایانه مکافات تخصیص اولنلی . »

دیمی شایان تشکر مواددنر . انجق ایشمزک بورلره کلسی سر پوشمزک تبدیلنه بر مجوریت حقیقه حاصل اولدینی تصدیق ایدلکن صوکره در .

فقط بزم، اولجده اعتراف ایتدیکمز وجهله بومقاله ده کی مطالعاتی یوقاریده مندرجاتندن بر نبذه بحث ایتدیکمز دیگر بر مقاله محررینک سوزلرینه نسبتله بک یولو بولیورز . اوزات ، اوستریا لیر دکلده اصل فسلرمنه خصم اولش ویا اولدن خصم ایش کبی :

« شوفسلری کیمیمده یا اروپا ایشنه بکزر بر قاسکت ویاخود اجداد مزدن قاله قاووقلری کیمیم ، دیمک ایسته دیکنی آکبدر بر صورتده برنجینک عقلا وشرعانه محذوری اوله ییله جکندن وایکنجینک منافع صحیه سندن ومنحصراً فسکده مضرات مادیه ومعنویه سندن بحث ایدیوردی . دییوردی که :

« اقالیم معتدله، بولنان بر مملکتده بیروک قاووق ویا شباقه کینلرک رنگ و جوونه دقت اولنسون . فس اکتسا ایدنلرده رنگ جلدک خیلی بوزوق اولدینی تظاهر ایدر . »

فقط الی الابد اوستریا مالی اولغه محکوم اولسی لازم کلین زوالی فسلرمنک بوقدر بدینانه افتارلره هدف

اشترک شکننده و باطاع مظهره فسلرمن قدر نور
و- یامزه یا قیشر بر حالد اولاملرینه رغما حسب الحیه ولو
موقت اوله رق اختیار ایدلش بر نوع فدا کارلق ایدی .
باشقه وقت اولسه او ، کچه کلا هله محله بقالنه کیده مین
بکمر ، افندیلر ، خاقی اتحاد وحمیه دعوت ایچون
نفسلرینی قیردیلر ، شهرمنک اک معنی جاده لرنده اوقیافله
کزدیلر .

ایشته بواثر فداکاری ، بونمونه حیت وجدیت ،
بو غیرت ملیت ، نه چابوق بعض اها لیمزجه - کویا -
رسوس ، بر بازیمچه هوس ، بر فرصت تقلید یرینه کچدی .
اودرجه ده که تحف اشکال والوانی حائز اولان
بر طاقم سرپوشلره کآن اولدن بری مراقز وار ایش ،
بوسنه وهرسک وقعه سی ده بوا مللرک حصه ولنه وسیله
اولدیغندن طولانی عادتاً بزجه مقبوله کچمش
اوستریا لیر ، بزم ایچون : ترکر ثبات سزدر دیمش لر ایدی
شوحالز اوسوزک بر شکل دیگر تصدیق عد اولمغه
شایان دکلیدر .

بزایسته ردک که اوستریا نك ، حقوق مزه تجاوزی .
فلکدن انتقام آلمق دیمکدر اهل ادرا که
ایدوب تزید غیرت مستفید اولمق ندامتدن
مضمونی اوزره زمانلردن بری اوزرمنده بیغیلوب
قالان دین مساعی ایچون بر وسیله استعجال اولسون ؟
بیک نصیحتدن دهام مؤثر اولمق لازم کان بوفرصت
مصیبتدن ، هروقتکی کی نفسمز ، حظوظا تمز دکلده
تجارت وصناعتمز استفاده ایتسون . بزایستردک که
بر قسممز کچه کلا هله غیرت ملیه مزی انتباهه دعوت
ایدرکن بر قسممزده فسخانه ، هرکه کی یرلی فس
مفازلرینه هجوم ایله موجود ماللرینی اشترا ایدوب
بتیردکن صوکره : هانی ، دهای یوقمی ؟ دیه رک دهام
جدی دهام صمیمی بر صورتده ایضای وظیفه حیت
ایلسونلر .

باشمزک آلیشیق ، نظرلرمنک اشنا و نمون اولدینی

فسلرمنزه اللرمزده اوقدر بابا یغی کل ایدی . ایشته
هرکده ، فسخانه . بعض نواقصیله رابر اعمال ایدوب
طوربور ایدک . یاری یولسه قدر کلمش اولدیمز شو
طریق تجارتی اکمال وتوسیع ایتک اوزره شمی برده
مجبوریت حاصل اولدی . فس فایقه لرمنک نواقصی
اکمال وعددینی تزید ایچون بوندن مناسب بر مجبوریت
بولماز ، الله بر دخی کوسترمسون .

اگر بونک اوزرینه ایلری به طوغری برخطوه
صنعت آتیزده بالعکس آیلیمش آدیلمرمنی کیری آلیسه ق،
مرئی افکار امت اولان محررلرمنده حتی بوخطواتمک
توالی وتزاید ایتک اوزره اولدینی استخبار ایتدکن
صوکره موجودی بر اقدیروب موهمه تشویق ایله
حرکت رجعه توصیه سنده بولنورلر ایه آرتق بزم
صنعت وتجارتیزدن الی الابد بر خیر بکله مه ملیدر . بز،
دنیا نك ، هرکون برکوش سنده چیقان امتعه دن هرکون
بردیگری صانوان آلمق میل واستعدادنده یارادیلیمش
مقلد ، متلون بر قومز دیمک اولیور . حالا ، بلکه عجولانه
برهوسله اکتساب سانه اوزندکری قالب اقلردن ده بیقمش
اولملری محتمل بولسان بویله بر قومک آرزولرنی کی
تحولات سر بعه نك آرقه سندن ، کرک فر وکرک قاپاق
هرنه اواسه حال ابتدائیده بولمقدن تورنولیمان یرلی
فایقه لرمنی یتیشه مزی . دمنکی محرک ادعای وجهله
شرقک قاووق کین اها لیسندره مشهود اولان صحت
جلدی بی قاووقلردن زیاده متانت طبعیه لرنده آراملیدر .
باشلرینی - اکثریتی بلغار قاپاغی تشکیل ایتک
اوزره - درلو درلو قیافته صوقان اهلیمزله فسلرمنی
کوزمزدن دوشورمه کچالیشان محررلرمن دوشونمور -
لرمی که بز سرپوشلرمنی تماماً دیکشدر رسه ک اوستربا
فایقه لرلی ایله برابر بزمده المزده بولان برقچ فایقه مزی
سور ، محو اولور . دور سابق آثاری اولمق حبله ،
اوستریا لیرله قارشو اولدینی کی هرکه وفس فایقه لرینه
وبالتبع تأسیسه تشبث اولدینی خبر ویربان امثالنه

قارشیده عداوتمز وار ایه اوکا دنیه جک یوق .
فسک ، قزمزی رنکی ایل دشمن قارشیدنده اوزا -
قلردن کورونمکه غایت مستعد بر هدف اولدینی سوبله -
نیور . فقط بو ، عسکرجه بر مسئله در . بزم مطالعاتمز
ایسه عسکرلرمن حقنده دکادر . اولر ایچون مناسب
ولکن ینه ملی بر سرپوش نسیمی مرجعه عائددر .
الحاصل بز ، اها لیمزک شخصی ، کبی آرزولرندن ،
احتراصانندن زیاده منافع حقیقه اقتصادی و ملیه مزی
داثره سنده حرکتلرینی رجا ایدرز .

مصطفی صبری

امته داخلیه شرکتی

[مابعد]

اون اوچنچی ماده - هیأت اداره هراون بش کونده برکره
اجتماع ایدوب تجارتخانه به متعلق معاملاتک محورمطلوبده جراینی
و شرکتک استفاده سنی موجب احوال واستخباراتی تفتیش و تذکر
ایده جکدر .
شرکتک منافعه متعلق کافه مطالعات ومشهوداتی کرک تحریر آ
و کرک شفاهاً هیأت اداره به اخطار خصوصنده هر حصه دار
سر بستدر .
صره سیله اوچ اجتماعده حاضر بولنمایان اعضاستغنی عد اولنه رق
هیأت اداره دیگر منتخبلردن برینی باقره اعضالنه تعیین ایلر .
اون دردنجی ماده - شرکتک بدایت تأسیسی ۱۰ تموز
سنه ۱۳۲۴ تاریخ مبلندن معتبر اولسنه کوره هر سنه یوم
مذکورده حصه داران اجتماع عمومی به دعوت اولنور ، و محل
اجتماع غزته لرله اعلان ایدیلر .
اون بشنچی ماده - اجتماع عمومیده حاضر بولنان ذواته شرکتک
برسنه طرفنده کی معاملات عمومی سنی ناطق ودفاتر قیودیه به
مطابق بلانچو اراده ایدیلرک ایضاحات لازمه و یریه جکدر .
انقضای مدته قدر تمتعات توزیع اولنایوب سرمایه به ضم ایدیلر جکدر .
اون آلتنجی ماده - هر حصه دار صاحب اولدینی حصه عدیده
کوره رأی و یرمه صلاحیتدار اولمایوب ، اجتماع عمومیده حاضر
بولنه حق هر شخص بر رأیه صاحب اوله جق واتخاذ اولنه جق
مقرراتده اکثریت آرا معتبر طوبیه جقدر .
اون بدنجی ماده - حصه دارانندن بری نرندنه بولنان

بیان الحق

قارشی اویله در . (کافر) دین حق منکر دیمکدرکه
کنندی دینی حق و صواب بیان هرکس . هر ملت بوعنوانی
حسب الرأی طرف مقابل اطلاق ایدر . و بو اعتبار ایله
اسلاملر کنیدیله یی اعتقادجه خطایه نسبت ایدن غیر
مسلملری کذلک غیر مسلملرده مسلملری منکر حق
عد ایتمکده درلر . اگر غیر مسلملر دین محمدی یی رد
وانکار ایتیمورلرسه مسلملرده ذاتاً نبوت حضرت
عیسی علیه السلامی مصدق بولندقلری جهتله همیز
برلشیرز .

شوقطه مسئله نك جهت قلبیه و وجدانیه سندن عبارت
اولوب بونكه برابر هرکس ، هر دیننده بالجملة انبای
جانبه حسن معاشرت و آمیزشده بولمق و هیچ بر فردك
حقوقته تجاوز ایتماكله مكلفدر .

عیناً

عناصر مختلفه نك مشاركت فكريه و حسیه لرینك
تأمنی ایچون اك بیوك فائده لرك مكشیلردن حاصل اوله جنی
وبونك نتایج طبیعیه نك عثمانی مدنیتته پك درین تأثیرات
اجرا ایده جکی شبهه سزدر . مختلف عناصره منسوب عین
وطن اولادینك بر بنیا آلتنده بر صره اوزرنده عین
مقصد ایچون چالشدقلری کورمك وطن محبلری ایچون
ابدی و پك طاشقین بر سرور امید استقبال بخش ایدیور
ایشته نوره قوبه اشریف ایدن جمعیت علمیه یه منسوب
کوملجنه لی ابراهیم ادهم افندی یه بلغار و طنداشلرمزدن
ایکی ذات مراجعت ایدرك اولادلرینك مکتبه قبولی
ایچون شرائط لازمه یی صورارلر . ادهم افندی کورکی
و دیمتری اسمنده کی چوجقلری جلب ایدرك علی الاصول
امتحانلرینك اجرا سنه دلالت ایدر چوجقلر مکتب
رشدیه یه داخل اوله جق قدر لیاقت کوستردکلرندن
مومی ایله طرفندن همان کتب و رسائل لازمه آلله رق

بیان الحق

وباشلرینه برر فس کیدریله رك دوامه باشلارلر . بزبونك
دوام و توالیسنی جان و کولکدن آرزو ایتدیکمز ایچون
ادهم افندی نك بو انسانیتکارانه معامله سنه قارشی علناً
تشکری و جیبیه عد ایدرز .

نورده قوبده
عادل

دوت بش عدد قارت پوستال ایله برابر اداره .
خانه مزه ارسال ایدیلن ورقه در :

لغاً عرض و تقدیم قلنسان قارت پوستال ورقه لرینه
اماله نگاه بیورلدینی زمان مخدرات اسلامیه نك
فوطوغرافلری شهر ایدلکده اولدینی آکلاشیله جق ،
و مخالف شریعت غرای احمدیه اولان بوحال هر مسلمی
داغدار ایده جك احوالندن اولقله آداب اسلامیه نقطه
نظرندن ده بادی تأثر بولنه جنی بداهت حکمنده در .

مخدرات اسلامیه نك فوطوغرافلری چیقارتیلوب ده
بویله مجمع و عمر ناس اولان دیرکار آرمسی و بابزید میدانی
وسائر مواقعده و پك اوغلی جهتلرند کاغدیجی
دکانلرنده ، جامکانلرنده ، شهر ایدیلرک فروخته میدان
ویرلسی و بوهیج بر مقامك نظر دور بینانه سنه تصادف
ایتمه سی آداب عمومیه نقطه نظرندن جداً آغلايه جق
برمنظره تشکیل ایدر .

اسلاملرک احوال دینیه سی تعقیب ایتك باب
مشیتك وظیفه اصلیه سی و قانون اساسیمزده ایسه
عثمانی دینك دین اسلام اولدینك بر ماده مهمه و معتابها
اوله رق مسطور بولمسی خصوصاً سنه قارشو مخدراتکمزك
رسملری بویله شهر ایتك و علولایسیله اخلاق و آداب
عمومیه اسلامیه یه بوضوئله لکه سورمك ایسته یلرک
حرکاتی اسلاملر هیچ بر زمان عفو ایده مز و بونی خوش
کوره مزلر . بناء علیه بر قاج غروش قزانق بهاسیله
مخدرات اسلامیه نك رسملری صله رق و شهر ایدره رك

اسلامیتك ترویج ایتدیکی بوحالی سرمایه ایدینه رك واقع
اولان تجاوزات طوغریدن طوغری یه آداب اسلامیه یه
و قانون اساسی ایله مؤبد حریت دینیه یه تعرض دیمك
اوله جغندن کیفیتی نظرگاه فاضلانلرینه عرض و حقوق
اسلامیه یی مدافع بولنان جریده معتبرلری احقاق حقه
دعوت ایلرم .

یوز باشی
علی وصفی

بیان الحق

قارت پوستالری کوردك . نسوان اسلامیه البسه .
لرینی اگدیریر بر طرزده تلبس ایتش و آتته « ترك
قوستومی » یازلمش قالدین رسملرندن عبارت . بونلرک
حققی مسلمان قالدیلری اولدینقی کرک حسن ظنمزدن
و کرک رسمده کی البسه لرك هیچ اسلام قالدینی طرز
تلبسه بکزه مامسندن اکلا یورز . فقط نه صورتله
اولورسه اولسون بز مسلمانلر ؛ نسوانمك رسملری
قارت پوستالرده کورمك ایسته میز بو ، آداب اسلامیه .
مزه و شرع مزه میاردر .

برده گویا صنایع نفیسه دن عد اولنان ! چپلاق
قالدین رسملرینك دخی فاتحه قدر چیقیدینقی مع التأسف
خبر آلورز بوبابده کرک رسومات امانتک و کرک
ضبطیه نظارتك نظر دقتلرینی جلب ایلرز .

مصطفی صبری و حمدی افندیلر

غزیه من سر محرری فاتح درس عاملرندن توقادلی
مصطفی صبری افندی توقاد سنجاغندن و هیئات
تحریریه من ارکانندن بابزید درس عاملرندن المالولی
محمد حمدی افندی اهالیه سنجاغندن مبعوث انتخاب
ایدلشلردر .


تقسیم علم و خبرینی و یا حصه سنندینی ضایع ایدرسه هیأت
اداره یه مراجعتله کیفیت ضیاعی اخبار ایده جك و هیأتجه معامله
لازمه بعدالاجرا کنیه سنه اشارتله نسخه ثانیه ویریه جکدر .
اون سکزنجی ماده — خدانکرده ، حصه داراندن برینك
وفاتنده وارثی صغیر ایسه ، اك صوك حساب عمومی موجبجه
حصه مصیبه سی متمیله برابر وارث مشروع منحصری نامنه
محکمه عاده سنه تسلیم اولنه جکدر .
ورثه کبیر اولور و عهده سنه انتقال ایدن حصه دارلقده
دوام آرزوسنده بولورسه قبول اولنور .
ورثه متعدد اولور و ایچندن بریسی اتمان مصیبه یی آلق
ایسترسه حصه نك بدل مجموعی بروجه مشروع تقسیم ایدیلر ،
اشتراکده دوام آرزوسی کوستریلرسه کیفیت انتقال کنیه سنه
اشارتله ادامه اولنور .

اون طقوزنجی ماده — اشبو تعلیماتمه احکامنك عمومماً قبولی
مبین اولق اوزره هیأت اداره نزدیده محفوظ بولنه جق بر
نسخه سنك زیری حصه داران طرفندن مهرلنه جك و مقاوله
حکمنی حائر بولنه جق اولان بوتعلیماتمه هیأت اداره جه مقاولات
محررلکنه دخی تصدیق ایتدیریه جکدر .

یکرمنجی ماده — شرکتك معاملات عمومیه سندن دولایی
حصه دارانه قارشی مسؤل بولنه جق هیأت اداره نك وظائفی دیگر
بر تعلیمات ایله تعیین ایدیله جکدر .

ومن الله التوفیق

فی ۱۸ رمضان سنه ۱۳۲۶ فی ۱ تشرین اول سنه ۱۳۲۴



دونکی اقدام غزیه سننده شیخ الاسلام افندی نك
بیانانه عطفاً شوقرملر کورولمشدر :

« قرآن کریم اهل کتابه کافر دیمز . قرآن کریمده
کافر دیه بپرسنلره اطلاق اولنور . الخ »

بیان الحق :

شو روایت مفهوم کلی یه دکده شخصه قارشی
کافر اطلاق جائز اولمامسندن غلط اولق احتمالیله برابر
ینه شیخ الاسلام افندی سن توضاحه محتاجدر ،
مسئله نك حقیقتنه کلنجه بر آدم منسوب اولدینی
دینی حق طائیانلر مخطی و مبطل نظرله بقارکه بوحال بزم
طرفزدن غیر مسلملره قارشی نصلسه اولنردنده بزه

حسن نيتلری نسبتندہ حسن خدمتہ موفق اولم لری
الطاف سبحانیہ دن تمنی و نضرع ایلرز .

۔ و اللریمز

(١)

وتشکو بعین ما اکل رکابہا
وقیل المنادی اصبح القوم ادلجی
فظلت کافی اتقی رأس حیة
بحاجتها ان تخطی النفس تعرج

(٢)

طالب العلم افضل من المجاہدین فی سبیلہ
قضیہ مهملہ سندہ مذہج قید اعتباریلہ جہنتک تعینہ

وبوصورتہ قضیہ مذکورہ موجهات مرکبہ دن هانکیسنہ
راجع اولہ جنی و علم کلامدہ مشہور بر بخشیدہ کی ایکی
مذہبہ تطبیقی، موجهہ مذکورہ نک عکس مستوی و عکس
نقیضلرینک تصویر، جہت مذکورہ نک لزوم نک قیاس
خلفی اصولی ایلہ اثباتی .

برنجی سؤالی تشکیل ایدن بیتلری مطلوب وجہلہ
ترجہ و تحلیل ایدنلرہ غزتہ مزک آلتی آیلق ابونہ سی
وایکنجی سؤالرہ جوابا ایضاحات کافیہ و یرنلرہ ده
غزتہ مزک بر سنہک ابونہ سی ہدیہ ایدیہ جکدر . اون
بش کون صکرہ ورود ایدن جوابلر نظر اعتبارہ النمز .



فطین

محمود بک مطبعہ سی